

IX edición da Val Miñor Cup que congregará a promesas do fútbol de Galicia e Portugal.

Escrito por Redaccion @valminorinfo
Xoves, 30 Agosto 2012 23:05



- A competición disputarase entre os campos de URECA e de Condomínguez, na modalidade de Fútbol 7.

- A IX Val Miñor Cup, Trofeo Profand reunirá a 16 clubs procedentes Galicia e o norte de Portugal.

As Escola Deportiva Val Miñor Nigrán, en colaboración co Concello de Nigrán e a Deputación de Pontevedra, acollerán o vindeiro sábado 1 de setembro a novena edición da Val Miñor Cup, Trofeo Profand. Esta competición, que acollerá a 16 clubs de España e Portugal, disputarase no complexo deportivo e social de URECA (mañá e tarde) e no Campo Municipal Condomínguez, en Priegue (só de mañá).

Esta cita deportiva, que desde fai nove anos e de forma ininterrompida celébrase no municipio miñorano, congregará o próximo fin de semana a máis de 200 futbolistas nados nos anos 2000/2001, que virán acompañados de familiares, titores, adestradores e amigos, o que converterá a Nigrán na capital do fútbol base da euro rexión Galicia-Norte de Portugal.

Na presentación, o alcalde de Nigrán, Alberto Valverde, insistiu no valor desta tipo de actividades, que fomentan e promocionan a práctica do deporte entre os máis pequenos. "Nigrán será o vindeiro sábado unha auténtica canteira de promesas do deporte rei", observou.

IX edición da Val Miñor Cup que congregará a promesas do fútbol de Galicia e Portugal.

Escrito por Redaccion @valminorinfo
Xoves, 30 Agosto 2012 23:05

Así mesmo, subliñou a importancia para o municipio da celebración de eventos que congreguen nun fin de semana a centenaes de persoas, como é o caso da Val Miñor Cup ou o XXIII Torneo de Tenis Concello de Nigrán que se está disputando durante estes días, "o que sen ningunha dúbida redunda en beneficio tanto da nosa oferta de lecer como da actividade económica local", agrega.

Val Miñor Cup

O torneo internacional xogarase baixo a modalidade de Fútbol 7, e rexerase polas normas da Real Federación Española de Fútbol para devandita modalidade. O sistema da competición estrutúrase en tres fases, a clasificatoria, a eliminatoria e un torneo de consolación ou lóstrego. Os partidos terán ao longo do próximo sábado 1 de setembro entre as instalacións do Centro Social e Recreativo de URECA e o Campo Municipal Condomínguez, en Priegue.

Romaría Campestre

De forma paralela á celebración da novena edición da Val Miñor Cup, a organización celebrará unha romaría campestre nas instalacións de URECA, desde media mañá do sábado, aberta a todos os participantes nesta competición, que poderán gozar de pulpeiros, churrasco, embutidos, inchables, música e animación.